

## ხელშეკრულება

სახელმწიფო შესყიდვების შესახებ №10/1

ქ.საგარეჯო

3 თებერვალი 2014წ.

1. ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1. „სახელმწიფო შესყიდვების შესახებ ხელშეკრულება „(შემდგომ „ხელშეკრულება“)“ სახელმწიფო შესყიდვების შესახებ“ საქართველოს კანონის „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტებით და დამატებითი და ასევე მთელი დოკუმენტაციით, რომელზეც ხელშეკრულებაში არის მითითებული.

1.2. „შემსყიდველი ორგანიზაცია (შემდგომ „შემსყიდველი“)“ ნიშნავს ორგანიზაციას („დაწესებულებას“) რომელიც ახორციელებს შესყიდვას;

1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვების შესახებ;

1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;

1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

### 2. ხელშეკრულების დამდები მხარეები

წინამდებარე ხელშეკრულება დადებულია:

ერთის მხრივ, საგარეჯოს მუნიციპალიტეტი, საკრებულოს თავმჯდომარის ილია ჭიაურელის სახით, საინდივიდუალური კოდი 238154849, მისამართი: ქ.საგარეჯო, დავით აღმაშენებლის ქ.#9, ა/ა GE 71LB0120138521931001, ბანკის კოდი LBRTGE22, ს.ს. „ლიბერთი ბანკი“ საგარეჯოს ფილიალი (შემდგომში „შემსყიდველი“) და მეორეს მხრივ, სააქციო საზოგადოება „კავკასიკონსტრუქციონერს“-ს დირექტორის ვიქტორ მარშანას სახით, საიდენტიფიკაციო კოდი 238109202, მისამართი: თბილისი-ბაკურციხე-ლაგოდეხის საავტომობილო გზის 36 კმ, ა/ა GE93BG000000330421100, ბანკის კოდი BAGAGE22, ს.ს. „საქართველოს ბანკი“ (შემდგომში წოდებული როგორც „მიმწოდებელი“).

### 3. ხელშეკრულების საგანი და ობიექტი

3.1 საგარეჯოს მუნიციპალიტეტისათვის 48 ტონა ქვიშა-მარილის შესყიდვა, (კლასიფიკატორის კოდი 34927100) გამარტივებული შესყიდვის საშუალებით, თანახმად საქართველოს კანონი „სახელმწიფო შესყიდვების შესახებ“ მე-3 მუხლის პირველი პუნქტის „ს“ ქვეპუნქტისა, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-3 მუხლის პირველი პუნქტის „ა“ ქვეპუნქტისა.

თ.ძატიცი

#### 4. შესყიდვის ობიექტის ღირებულება

- 4.1. შესყიდვის ობიექტის ფასი განისაზღვრება ლარებში.
- 4.2 შესყიდვის ობიექტის საერთო ღირებულება შეადგენს 4800 (ოთხი ათას რვაასი) ლარს:
- 4.3. 1 ტონა ქვიშა-მარილის ღირებულებაა 100(ასი) ლარი; სულ 48 ტონა ქვიშა-მარილის ღირებულებაა 4800 (ოთხი ათას რვაასი) ლარი.

#### 5. შესყიდვის ობიექტის მიწოდების ვადები და ადგილი

- 5.1. შესყიდვის ობიექტის მიწოდების ვადა: ხელშეკრულების გაფორმებიდან 2014 წლის 15 თებერვლამდე.
- 5.2. მიწოდების ადგილია: თბილისი-ბაკურციხე-ლაგოდეხის საავტომობილო გზის 36 კმ.

#### 6. ანგარიშსწორების ფორმა, გრაფიკი (ვადები) და ადგილი

- 6.1. მიმწოდებელთან ანგარიშსწორება ხორციელდება ლარებში უნაღდო ანგარიშსწორებით.
- 6.2. შუალედური ანგარიშსწორება მოხდება მიწოდებულ საქონელზე წარმოდგენილი, მიღება-ჩაბარების აქტის, სასაქონლო ზედნადების ან/და შესაბამისი საგადასახადო ანგარიშ-ფაქტურის წარმოდგენის საფუძველზე 10 დღის განმავლობაში.
- 6.3. ანაზღაურების ადგილი ქ.საგარეჯო
- 6.5 ხელშეკრულების ფარგლებში ანაზღაურებული იქნება მხოლოდ იმ საქონლის ღირებულება, რომლის მოცულებებზე არსებობს შემსყიდველის მიერ დადასტურებული აქტი.

#### 7. მხარეთა უფლება- მოვალეობანი

- 7.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 7.2. შემსყიდველი ვალდებულია:
  - ხელშეკრულებით გათვალისწინებული საქონლის მიწოდებისას აცნობოს მიმწოდებელს ყველა განსაკუთრებული გარემოების შესახებ.
  - ხელშეკრულებით გათვალისწინებული პირობების შესაბამისად აუნაზღაუროს მიმწოდებელს მიწოდებული საქონლის ღირებულება;
- 7.3. შემსყიდველს უფლება აქვს :
  - განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;

თ. ქაჭი ცაჭუ

-საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვების შესახებ დადებული ხელშეკრულების მოქმედება ;

7.4. მიმწოდებელი ვალდებულია :

-დაიცვას ხელშეკრულებით გათვალისწინებული ყველა პირობები;

-დააკმაყოფილოს შემსყიდველის თხოვნა დამატებითი მონაცემების წარმოდგენის შესახებ კანონმდებლობით დადგენილი წესით;

7.5. მიმწოდებელს უფლება აქვს:

-მოსთხოვოს შემსყიდველს მიწოდებული საქონლის ანაზაურება ხელშეკრულებით გათვალისწინებული პირობებით.

## 8. ფორს-მაჟორი

8.1 ხელშეკრულებების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არიქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოინახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 9. ხელშეკრულების შესრულების კონტროლი

9.1 შემსყიდველი უფლებამოსილია აწარმოოს ხელშეკრულებისა და მასში შემავალი დოკუმენტაციის შესრულებისა და საქონლის ხარისხის ინსპექტირება.

თ. ძაჭილაძე

9.2 შემსყიდველი ვალდებულია საკუთარი რესურსებით უზრუნველყოს დამკვეთი ინსპექტირების ჩატარებისათვის აუცილებელი ტექნიკური პირობებით და სხვა სამუშაო პირობებით.

9.3 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება შემსრულებელს საქართველოს კანონმდებლობით დადგენილი წესით.

## 10. ფასები

10.1 წინამდებარე ხელშეკრულების მე-4 პუნქტში დაფიქსირებული მიწოდებული საქონლის ფასი წარმოადგენს ხელშეკრულების ღირებულებას.

10.2 ხელშეკრულების ღირებულების შეცვლა ხელშეკრულების მოქმედების მთელი პერიოდის განმავლობაში დასაშვებია ინფლაციის მაღალი დონის, სავალუტო კურსის მნიშვნელოვანი ცვლილების, საგადასახადო რეჟიმის შეცვლისა და საქართველოს სამოქალაქო კოდექსის - 398 -ე მუხლში გათვალისწინებული პირობების შემთხვევაში თუ აღნიშნული ცვლილებები არ გამოიწვევს ხელშეკრულების პირობების გაუარესებას ორივე ორგანიზაციისათვის.

10.3 ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს ხელშეკრულების ღირებულების 10%-ს

## 11. შესყიდვის ობიექტის მიღება-ჩაბარების წესი

11.1 შესყიდვის ობიექტი ჩაითვლება მიღებულად მხოლოდ საქონლის მიწოდების შემდეგ გაფორმებული მიღება-ჩაბარების აქტის შესაბამისად.

11.2 შემსყიდველი ადგილზე ამოწმებს მიწოდებული საქონლის მოცულობას და ხარისხს.

11.3 საქონლის ( მისი ნაწილის, ეტაპის ) მიღების და ან საბოლოო შემოწმების შემდეგ გამოვლენილი დეფექტის ან ნაკლის აღმოფხვრა მოხდება მიწოდებლის საკუთარი ხარჯებით.

## 12. ხელშეკრულების პირობების გადასინჯვა

12.1. ხელშეკრულების პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის.

## 13. ხელშეკრულების მოქმედების ვადა

13.1. ამ ხელშეკრულების მოქმედების ვადა განისაზღვრება ხელშეკრულების გაფორმებიდან 2014 წლის 15 მარტამდე.

## 14. ხელშეკრულების პირობების შეუსრულებლობა

14.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მიმწოდებელს ეკისრება პირგასამტეხლო ხელშეკრულების ღირებულების 0.1% პროცენტის ოდენობით.

თ. ძაწილიძე

14.2. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულებაში მითითებულ 5% პროცენტს, შემსყიდველს უფლება აქვს შეწყვიტოს ხელშეკრულება.

14.3. ერთი მხარის მიერ ამ ხელშეკრულების პირობების დარღვევის შემთხვევაში მეორე მხარე უფლებამოსილია ვადადღე ცალმხრივად შეწყვიტოს ხელშეკრულების მოქმედება.

### 15. დავები და მათი გადაწყვეტის წესი

15.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი ოფიციალური მოლაპარაკებების მეშვეობით შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

15.2 თუ შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

### 16. სხვა პირობები

16.1. ამ ხელშეკრულებით გაუთვალისწინებელი საკითხები რეგულირდება საქართველოს კანონმდებლობით.

16.2. არც ერთ მხარეს არ აქვს უფლება გადასცეს მესამე პირს უფლებები და მოვალეობები, მეორე მხარის წერილობითი თანხმობის გარეშე.

16.3. მესამე პირთან ურთიერთობაში მხარეები მოქმედებენ თვითნებურად სახელით, ხარჯებითა და რისკით.

16.4. ხელშეკრულება დგება ორ იურიდიული თანაბარი ძალის მქონე ეგზემპლარად ქართულ ენაზე. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ.

### 17. მხარეთა ხელმოწერა, ბეჭედი

შემსყიდველი:

მიმწოდებელი:

საგარეჯოს მუნიციპალიტეტის  
საკრებოლოს თავჯდომარე:

სააქციო საზოგადოება „კავკასიატომავისტრალი“  
დირექტორი:



ილია ჭიაურელი

ვიქტორ მარშანია

თ.ძ. ნილსენი